

ხელშეკრულება №170001618/36 სახელმწიფო შესყიდვის შესახებ

ქ. თბილისი

2017 წლის 15 თებერვალი

ერთის მხრივ, სსიპ „საქართველოს ფინანსთა სამინისტროს მომსახურების სააგენტო“ (შემდგომში „შემსყიდველი“) წარმოდგენილი გენერალური დირექტორის მოვალეობის შემსრულებლის ლევან მნელაძის სახით და

მეორეს მხრივ, შპს „სამრეცხაოსნ“ (შემდგომში „მიმწოდებელი“) წარმოდგენილი დირექტორის სერგო მაისაშვილის სახით,

„სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (SPA170001618) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – სსიპ „საქართველოს ფინანსთა სამინისტროს მომსახურების სააგენტო“
- 1.5 „მიმწოდებელი“ – შპს „სამრეცხაოსნ“
- 1.6 „მომსახურება“ – ხელშეკრულების მე-2 მუხლით გათვალისწინებული შესყიდვის ობიექტი.
- 1.7 „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. შესყიდვის ობიექტი

- 2.1. შესყიდვის ობიექტს წარმოადგენს: ავტომანქანების რეცხვის მომსახურების (შემდგომში „მომსახურების შესყიდვა“) – CPV კოდი 50100000; 50112300 (შემდგომში მომსახურება).
- 2.2. შესყიდვის ობიექტის დასახელება, რაოდენობა, დეტალური აღწერა, და პირობები მოცემულია ტექნიკურ დავალებაში, რომელიც ხელშეკრულების განუყოფელი ნაწილია.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს: 2684 (ორიათასექვსასოთხმოცდაოთხი) ლარს დღგ-ს გარეშე.
- 3.2 გასაწევი მომსახურების ერთეულის ფასი, რაოდენობა და საერთო ღირებულება მოცემულია ხელშეკრულების დანართში, რომელიც ხელშეკრულების განუყოფელი ნაწილია.

4. მომსახურების მიწოდების პირობები, ვადები და ადგილი

- 4.1. ხელშეკრულებით გათვალისწინებული რეცხვის ტალონების მიწოდება ხორციელდება ხელშეკრულების გაფორმების დღიდან 2017 წლის 31 დეკემბრის ჩათვლით, ეტაპობრივად, შემსყიდველის მოთხოვნის შესაბამისად.
- 4.2. ხელშეკრულებით გათვალისწინებული მომსახურების რეცხვის ტალონები უნდა იყოს მოქმედების ვადის გარეშე;
- 4.3. ხელშეკრულებით გათვალისწინებული მომსახურების ტალონების მიწოდების ადგილია ქ.თბილისი, გ. გულუას ქ.№4 სსიპ „საქართველოს ფინანსთა სამინისტროს მომსახურების სააგენტოს“ ადმინისტრაციული შენობა;
- 4.4. მანქანების რეცხვა განხორციელდება მიმწოდებლის ავტოსამრეცხაო ქსელში, ხელშეკრულების დანართში მითითებულ მისამართებზე.
- 4.5. შემსყიდველის მოთხოვნიდან არა უმეტეს სამი სამუშაო დღის ვადაში მიმწოდებელი მიღება-ჩაბარების აქტით გადასცემს შემსყიდველს მის მიერ მოთხოვნილი ოდენობისა და სახეობის რეცხვის ტალონებს. მიღება-ჩაბარების აქტის გაფორმებისთანავე აღნიშნულ აქტში მითითებული მომსახურება ჩაითვლება შემსყიდველის მიერ შეძენილად. ტალონების გადაცემის შემდეგ მათი დაკარგვის, დაზიანების ან განადგურების რისკი

გადადის შემსყიდველზე, ამასთან, უკვე გადაცემული ტალონები არ ექვემდებარება დაბრუნებას ან სხვა სახეობის მომსახურების ტალონებზე გადაცვლას. წინამდებარე ხელშეკრულების ინტერესებიდან გამომდინარე, ავტომატური რეცხვის ტალონი – ეს არის მიმწოდებლის მიერ დაბეჭდილი ბარათი, რომელიც განკუთვნილია შემსყიდველისათვის და ადასტურებს მის უფლებას შესაბამის ავტოსამრეცხაოში მიიღოს ავტომატური რეცხვის მომსახურება. ყოველ ტალონზე აღნიშნული უნდა იყოს:

- ტალონის ნომერი;
- მიმწოდებლის ლოგო წარწერით „სამრეცხაოს“;
- ტალონის (მომსახურების) სახეობა.

შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონივრულ ვადაში სამუშაო საათებში აცნობებს მიმწოდებელს დაკარგვის შესახებ წერილობით და მიუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების გაცემა. დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას). ამასთანავე, ბლოკირებამდე ტალონების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს.

4.5 ტალონით მომსახურება განხორციელდება ნებისმიერ მის წარმომდგენ პირზე.

4.6 მიმწოდებელი ვალდებულია ტალონის წარმოდგენისთანავე გაურეცხოს ავტომატური ტალონის წარმომდგენს.

4.7 წინამდებარე ხელშეკრულების მოქმედების პერიოდში ამავე ხელშეკრულების 4.4 პუნქტით გათვალისწინებული ტალონების მიღება-ჩაბარების აქტების ხელმოწერაზე უფლებამოსილი პირი შემსყიდველის მხრიდან არის **ლოჯისტიკის განყოფილების უფროსი ირაკლი კვაჭანტირაძე** და ეს უფლებამოსილება არ შეიძლება გახდეს სადავო შემსყიდველის მხრიდან. შემდგომში ამ პირის უფლებამოსილების გაუქმება ან შეზღუდვა იურუდიულ ძალას შეიძენს მხოლოდ იმ შემთხვევაში, თუ მიმწოდებელს წერილობით ეცნობება ამის თაობაზე ან თუ მხარეთა შეთანხმებით შესაბამისი ცვლილება შევა წინამდებარე პუნქტში. სხვა პირისათვის ამ უფლებამოსილების მისანიჭებლად ასევე საჭიროა შესაბამისი წერილობითი მინდობილობა ან მხარეთა შეთანხმება.

5. მხარეთა უფლება-ვალდებულებები

5.1 შემსყიდველს უფლება აქვს :

5.1.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;

5.1.2 რაიმე ნაკლის აღმოჩენის შემთხვევაში, აცნობოს და მოთხოვოს მიმწოდებელს ნაკლის დაუყოვნებლივ გამოსწორება.

5.1.3 მოითხოვოს მიმწოდებლისგან ხელშეკრულების ჯეროვანი, დროული და კეთილსინდისიერი შესრულება.

5.1.4 დაასწროს თავისი წარმომადგენელი (მძღოლი) ავტომატური რეცხვის პროცესს.

5.2 შემსყიდველი ვალდებულია:

5.2.1 განახორციელოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.

5.2.2 დაიცვას ხელშეკრულებით გათვალისწინებული პირობები.

5.3 მიმწოდებელს უფლება აქვს:

5.3.1 მოთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობების შესაბამისად.

5.4 მიმწოდებელი ვალდებულია:

5.4.1 უზრუნველყოს ხელშეკრულების პირობების შესრულება.

5.4.2. შემსყიდველს გაუწიოს ხარისხიანი მომსახურება, რომელიც არ გამოავლენს დეფექტებს. მიმწოდებელმა უნდა უზრუნველყოს ზემოაღნიშნული მანქანების როგორც გარეგანი, ასევე შიდა (სალონის, საბარგული) რეცხვა. რეცხვისთვის გამოყენებულ უნდა იქნეს მაღალი ხარისხის სარეცხი და საწმენდი საშუალებები.

5.4.3. მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზარალის აღმოფხვრის ხარჯების ანაზღაურება ეკისრება მიმწოდებელს.

5.4.4. შესყიდვის ობიექტის მიწოდების პროცესში არსებული შეფერხების შესახებ აცნობოს შემსყიდველს.

5.4.5. შესყიდვის ობიექტის მიწოდების პროცესში რაიმე ნაკლის გამოვლენის შემთხვევაში, უზრუნველყოს მისი გამოსწორება დაუყოვნებლივ, საჭიროების შემთხვევაში გაწიოს საჭირო მომსახურება, შემსყიდველის მხრიდან რაიმე დამატებითი ხარჯების გარეშე.

6. ანგარიშსწორება

6.1 ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, ეტაპობრივად, შემსყიდველის მიერ მოთხოვნილი და მიმწოდებლის მიერ ფაქტობრივად მიწოდებული რეცხვის ტალონების ღირებულების შესაბამისად.

6.2 ანგარიშსწორება მიმწოდებელთან განხორციელდება 4.4 პუნქტის მიხედვით რეცხვის ტალონების მიღება-ჩაბარების აქტის გაფორმების საფუძველზე, არაუგვიანეს 10 (ათი) სამუშაო დღის ვადაში.

7. ხელშეკრულების ინსპექტირება

7.1 შემსყიდველი ახორციელებს კონტროლს ხელშეკრულების შესრულების ნებისმიერ ეტაპზე მიმწოდებლის მიერ ნაკისრი ვალდებულებების შესრულებაზე.

7.2 მიმწოდებელმა უნდა უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

7.3 ინსპექტირებას ახორციელებს შემსყიდველის **ადმინისტრაციული სამსახურის უფროსის მოადგილე რევაზ მარგველაშვილი** (შემდგომში ინსპექტირების განმახორციელებელი).

7.4 ინსპექტირების განმახორციელებლის ფუნქციებია:

7.4.1 გაუწიოს კონტროლი მომსახურების მიწოდების ვადების ხელშეკრულების მოთხოვნებთან შესაბამისობის დადგენას.

7.4.2 განახორციელოს კონტროლი მიწოდებული მომსახურების ხარისხზე, ტექნიკური დავალებით გათვალისწინებული მოთხოვნების შესაბამისობაზე.

7.4.3 მიღება-ჩაბარების აქტის საფუძველზე უზრუნველყოს მიწოდებული მომსახურების მიღება.

7.5 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის მიღება-ჩაბარების წესი

8.1 რეცხვის ტალონების მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული ტალონების შესაბამისად, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერებით.

9. ხელშეკრულების შეწყვეტა

9.1 შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული შესყიდვის ობიექტის ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

9.2 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების სრულად შესრულებას (მაგ: ავტოსამრეცხაოების რაოდენობის მნიშვნელოვნად შემცირება, მომსახურების გაწყვეტის შეფერხება და ა.შ).

დ) მიმწოდებლის მიმართ დაიწყო გადახდისუნარიანობის საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

9.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4 ხელშეკრულების 9.3 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 დღით ადრე წერილობით აცნობოს ამის შესახებ მეორე მხარეს.

10. მხარეთა პასუხისმგებლობა

10.1 ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02 %-ის ოდენობით.

10.2 იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 10 (ათი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ფორს-მაჟორი

11.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისგან.

12. ხელშეკრულებაში ცვლილებების შეტანა

12.1 ხელშეკრულებაში ნებისმიერი ცვლილების ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, რომელიც ხელშეკრულების განუყოფელი ნაწილია.

12.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაჭრის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელმოწერისთანავე და ძალაშია 2018 წლის 31 იანვრის ჩათვლით.

15. დასკვნითი დებულებები

15.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

15.2 ხელშეკრულება შედგენილია ქართულ ენაზე 3 თანაბარი იურიდიული ძალის მქონე ეგზემპლარად და ინახება მხარეებთან.

16. მხარეთა მისამართები, საბანკო რეკვიზიტები და ხელმოწერები

შემსყიდველი:

სსიპ "საქართველოს ფინანსთა სამინისტროს
მომსახურების სააგენტო"

თბილისი, გ. გულუას ქ. №4

ტელ: (995 32) 2 601 601

საიდენტიფიკაციო კოდი: 205081249

მიმღები: სახელმწიფო ხაზინა

მიმღების დასახელება: ხაზინის ერთიანი
ანგარიში

ბანკის კოდი: TRESGE22

მიმღების ანგარიშის/სახაზინო კოდი: 707027501

ლევან ძმელაძე
გენერალური დირექტორის
მოვალეობის შემსრულებელი



მიმწოდებელი:

შპს „სამრეცხაოსნ“

ქ. თბილისი, აფხაზეთის ქ #16

ტელ: 593 28 62 26

საიდენტიფიკაციო კოდი: 406 120 923

ბანკის დასახელება: ლიბერთი ბანკი

ბანკის კოდი: LBRTGE22

ა/ა GE92LB 0113 1193 6993 0000

სერგო მაისაშვილი
დირექტორი



N	დასახელება	რეცხვის რაოდენობა	1 რეცხვის ღირებულება (დღგ-ს გარეშე)	საერთო ღირებულება (დღგ-ს გარეშე)	ავტოსამრეცხაო ქსელი - მიწოდების ადგილი (მისამართების და ერთდროულად რამდენი ავტომანქანის რეცხვის მომსახურების შესაძლებლობის მიმოხედვით)
1	2	3	4	5	6
1	ავტომობილის რეცხვის ტალონი, მსუბუქი ავტომობილი (სედანი)	160	8,00 ლარი	1280,00ლარი	ქ. თბილისი, შარტავას #43 (3 ბოქსი); ქ. თბილისი, ქერჩის ქ #6ა (4 ბოქსი); ქ. თბილისი, ვარკეთილის მე-3 დასახლება, მე-2 მიკრო, 02ა კორპუსის მიმდებარე ტერიტორია (15 ბოქსი); ქ. ქუთაისი, ნიკვას ქ #12ა (2 ბოქსი) ქ. ბათუმი, ჯავახიშვილის ქ #64 (2 ბოქსი); ქ. ახალციხე, ახალქალაქის გზატკეცილი #9 (1 ბოქსი).
2	ავტომობილის რეცხვის ტალონი, მაღალი გამავლობის ავტომობილი (ჯიპი)	117	12,00 ლარი	1404,00ლარი	
სულ				2684 ლარი	

შემსყიდველი:

სსიპ "საქართველოს ფინანსთა სამინისტროს
მომსახურების სააგენტო"

ლევან მნელაძე
გენერალური დირექტორის
მოვალეობის შემსრულებელი



მიმწოდებელი:

შპს „სამრეცხაოსნ“

სერგო მაისაშვილი
დირექტორი

